



167. ԿՈՒՆՏԻՆ ՎԵՊԸ

Իլի է յիլի մին թագավոր: էս թագավորը որ շատ պառաժա-
ցել է, ուրախ իրեք որդոցը կանչել է ուրան մոտ ու աղաչանք արևի.
թե. «Որ ես մեռնեմ, իրեք օր ու իրեք գիշեր եկեք իմ գերեզմանս
պահեցեք»: էս թագավորը որ մեռել է, ուրան իրեք որդոցը մեծն
ու միջնակը գնացել են ուրանց հանոր տունը: Բայց էն ամենիցը
փոքր եղբարը (որ Կունտ է իլի) ուրան հորը խոսքը կատարելով
ուրանց տանիցը վեր է կալել մին հրացան, ետով գնացել ուրան
հորը դերեզմանիցը մին երկու կազաչափ հեռու փոս քանտել ու
ինքը նի մտել էն փոսը: Մին քանի ժամ կացել է, տեսել որ մին
մեծ մարդ եկավ ու ինքն էլ զրահավորված, որ նրա երկայնու-
թյունն է տասը-տասնմեկ կազաչափ ու սրտին լայնքը երկու-ե-
րեք կազաչափ, բայց ուրան կռնեթին հասակությունը կես կյու-
ղաչափ ու ուրան մեծությունին համաձայն էլ ուրան ձին, ինքը՝ րս-
պիտակ, կեցին շորերը՝ րսպիտակ, ձին՝ րսպիտակ ու ձիին ամեն
բաներն՝ ըսպիտակ: Ետով եկավ թագավորին դերեզմանիցը մոտա-
ցավ, նիզակը հանեց ու ասեց. «Թագավոր, հանգիստդ անիծվի»:
էս ասեց ու նիզակը դերեզմանին մեջումը խրեց, որ դերեզմանին
քարը վեր ունի, Կունտը էնտեղից հրացանը մին անգամ որ արձա-
կել է, բայց էն մարդը չէր գիտում, թե ուրան գնդակ է նի եկել, ին
չէ: Սրա հմար էս Կունտը մինել է արձակել, էլի էն մարդը այնումը
չի քցել: Մին անգամ էլ է արձակել, էն մարդը ձիիցը վեր է ինկել,
մեռել: էս Կունտը փոսիցը տուտ է եկել, էն մարդին շորերը ու ձին
տարել մին տեղ դրել ու ինքը եկել տուն:

էքսր որ միջնակ և զրաւրը շի ղնացել, էլի էքսը իրիկունը ղնացել է մտել էն փոսը ու մին քիչ կացել: Ետով տեսել էլի էն-սկս մին մեծ մարդ եկավ. ինքը՝ սե ու սե շորերովոր, ձին՝ սե ու ամեն բաներն էլ սե: Ինքը ղրա՛ւովորված, եկել է առաջվան մարդին նման արել, էլի Կունտը ըսպանել է: Երրորդ օրը որ կար-դր ուրանն է իլել, տեսել է, որ մին մարդ եկավ առաջվաներին նման, էլի [...] ըսպանել է, ամենին ծիանքը ու ամեն բաները վ՛ր կալել ու ղնացել ուրանց տուն ու էնտեղ ուրանց գոմումը կլաղել: Մին բանի ժամանակ էտ բանովն անց կենալից ետը մին թագա-վոր ձալն է հանել, թե. «Ով որ կարա ձիի վերա նստած ալսինչ յոթը սարովը ձին լոք տալով անցկացնի ու դա իմ կուշտս, ես իմ աղջիկս կրտամ ուրան»: Էս որ լսել են, համարյա թե բոլոր աշ-խարհիս մարդիքը գնացել են տեսնելի հմար, թե՛ ով է անելու էտ բանը:

Էս թագավորին որդոցը էրկունը՝ մեծն ու միջնակը մին կաղ-լիկ: Ընդի են քրեհով ըտնել ու լրկուսն էլ վեր իլած գնացել: Կուն-տը ասել է. «Ինձ էլ տարեք»: Էն էրկունն էլ ասել են. «Ը՛հ, հի-միկ դու էն մարդուցը մեջին կըկորչես, քեղ ո՛ւր ենք տանում»:

Սրանք որ ղնացել են պրծել, էս Կունտը էն կլաղած ծիոցը բողբոսակը հանել է, ըստիտակ շորերը կեցել ու ձին վեր իլել, ղրա՛ւովորվել ու շուտ ղնացել էնտեղ հասել: Թուրը հանել է սրա-նրա թխել ու ղնացել, թե ուրան եղրորցն էլ թխի, եղբարքը աղա-չանք են արել՝ թխել շի ու ձիին մտրակովը թխել, ձին էն յոթը սարովը լոք է արվել ու անց կացել: Ետով էն թագավորը ուրան աղջիկը արվել է էն Կունտին, էն Կունտն էլ տրել է ձիին գավակին ու մին անդամ ձիին թխել, ձին էն յոթը սարովը մին էլ լոք է տը-վել: Էլի էն տղան սրա-նրա թխել է ու ձին քշել գնացել ուրանց տուն ու էն աղջկանը մին սենյակում կլաղել: Ուրան եղրարքը ե-կիլ են ուրանց տուն, Կունտը հարցուփորձ է արել, նրանք էն ամեն բաները պատմել են:

Մին քանի ժամանակ որ անց է կացել, էլի էն թագավորը ձալն է հանել, թե. «Ով որ ձին լոք տալ տա ութը սարովը, իմ աղ-ջիկս կրտամ ուրան»: Էլի էս Քաշալը սե ձիով գնացել է էն աղ-ջիկը ուրիւր: Մին անգամ էլ է էն թագավորը ձալն հանել, թե. «Ով որ իննը սարովը ձին լոք տալ տա, իմ աղջիկս կր տամ ուրան»: Էլի էն Կունտը գնացել է պիրել կարմիր ձիովը ու էն Կունտը ուրան

1 Անրնթևանի (Մ. Կ.):

ժողորոցը խմացրել է, թե ինքն է էն աղջկորցը պիրել և ամենիցը լավը ինքն է վեր կալել ու մինը՝ մինին տըվել, մինը՝ մինին: Ետով էլի լավ ձին ինքը վեր կալել ու մինը՝ մինին տըվել, մինը՝ մինին: Կունան էլ շատ գեղեցիկ է իլել:

էս էրկու եղբորցը աչկը եր շի կալել, որ ուրանց փոքր եղբւրը ուրանցից լավ ինի: Խոսացել են, թե մենք նրան լսուանենք, ուրան կնիկը մենք վեր առնենք: Ետով էս Կունտին կնիկը խմացել է սրանց միտքը ու գնացել ուրան մարգին ասել. թե նրանց մեջին էսպես խարգախություն կա, գու քու զլխիդ ճարտես: էս Կունտը որ էս հասկացել է, շուտով ուրան եղբորցն անից բաժանվել է ու ուրան կնիկը վեր է կալել, ձին եր իրաժ փախել են գնացել: Տեսել են մին մեծ պալատ, շորս կողմովը մեծ պատ քաշած: Զինն թխել է, ձին լոք է տըվել, նի մտել էնտեղ: էս Կունտը ամեն օր ուրան կնիկը դնում է իլել էնտեղ և ինքը ձին վեր իլած գնում որս անում պիրում, ուրանք ուտում են: Ետով էս Կունտը մին ժամանակ որսատեղից գալիս ժամանակը եկել է տեսել մին պառավ կնիկ պատին վերա բեռններ վեր տալով վեր է ինում, որ գնա տուն: Ետով էս պառավն է մտել: Կունտին կնիկը մարգին ասել է, թե. «էս պառավը մեր գլուխը մին բան կըբերի, տուս առաջ: էն Կունտն էլ ասել է. «Ինչի՞ տուս անեմ, գու մինակ ես, քու կշտիտ կըկենա»:

Ետով էս Կունտը էքսը ուրան ձին տանը կապել է ու ինքը պառավի վեր տըված բեռններովը վեր եկել, գնացել որս: էս պառավ կնիկը որ էն երեք տղորց մայրն է իլել (որոնց Կունտը ըսպանել էր, ինչ ժամանակ եկել էին թագավորին գերեզմանը քանտին) ու եկել էր նրանց վրեժը առնի Կունտիցը: Հարմար ժամանակ գտնելով, էն աղջիկը վեր է կալել, տրել էն Կունտին ձինն թարքին, ինքն էլ վեր իլել ձին, երեք ամիս գիշեր, երեք ամիս ցերեկ ճանապարհ գնացել, որ հասել են ուրանց տուն: Ետով Կունտը եկել է տեսել տանը ոչ ձի կա, ոչ կնիկ, ոչ էլ էն պառավը:

էս Կունտին միտն է եկել ուրան երեք քույրը, որ ամենն էլ առջի կնիկ են իլել: էս Կունտը վեր է կացել, գնացել ուրան մեծ քովորը տունը: էնտեղ ուրան քույրը ասել է. «Ո՞ր ես եկել, առջը չոթ օրվան ժամանակի որս է գնացել. էսօր ժամանակն է, կըգա քեղ կուտի»: Նա էլ ասել է, թե. «Բա ինչպե՞ս անեմ»: Քույրն էլ ասել է, թե. «Նի մուտ տաշտին տակը»: Նա էլ նի է մտել: Առջը եկել է շատ որս արած ու հարցրել կնկանն անից, թե. «Ի՞նչ մարդահոտ է»: Նա էլ ասել է. «Դու ես կյանքիս սարից ու թուփիցը,

ի՞նձ ևս ասում: էլի ծերք չի վեր կալել, ասել է, թե. «Չէ՛, էս ի՞նչ մարդահոս է, ասի՛ս: Կնիկն էլ ևտ է տառել, ասել, թե. «Որ իմ հղբայրը ինի, ի՞նչ կանես»: Առջն էլ ասել է. «Թե որ մեծն ինի՝ մեծ պատառը աջի անկանջն ևմ թողելու, թե որ միջնակն ինի՝ մեծ պատառը ձախի ականջն հմ թողելու, թե որ ի՛քրն ինի՝ աչքիս վերա է եկել, ի՞նչի հմար է կյաղլու կացել: Վախը հղբայրը տուտ է եկել, Լստեղ սիրուն բարով են տրվել ու Լս Կունտը Լստեղ Կաց է կերել:

Ետով առջը հարցրել է, թե. «Ի՞նչի հմար ևս եկել: Էն էլ ասել է, թե. «Բետս ինչ, Էնպե՛ս բան է պատահել»: Էս առջն էլ ասել է. «Էդ իմ բանս չի, ևս հարյուր ասի՛ս: Էսն հմ, իմ հղբայրս երկու հարյուր տարեկան է, նա կըղիտա՛ս: Նա նրան ասի՛ս: Ու նա շատ աղաչանք է արել, թե եկ քեզ շատ ասնձ տամ, զնալ մի, գլուխդ փորձանք կրկյա: Բայց Կունտը ասել է, թե. «Չէ՛, պիտի գնամ»: Ետով էս առջը մին գիր է գիրել, տրվել նրան, թե. «Որ գնում ես, տար տուր իմ հղբոր: Էս Կունտը զիրը վեր է կալել, գնացել էն առջի տունը: Էնտեղ էլ առաջի առջին տանը ինչ որ պատահել էր, էնտեղ էլ պատահել է, բայց էլի էն առջն էլ է ասել. «Ես երկու հարյուր տարեկան ևմ, իմ աղբերը երեք հարյուր տարեկան է, նա կըղիտա՛ս: Ու էլ մին գիր էլ գրել է, տրվել նրան, թե. «Տար տու՛ր իմ հղբոր:»

Էլի Լս Կունտը էն էրկու գիրը վեր է կալել, գնացել էն մին հղբոր տունը: Էլի էն ամեն բաները պատահել է էնտեղ ու առջը ասել է, թե. «Ես իրեք հարյուր տարեկան հմ, իմ մայրս միլիոն տարեկան է, զնա նրանից հարցրու, նա կըգիտա՛ս: Էլի մին գիր էլ գիրել է, տրվել նրան, թե. «Տար տուր իմ մոր: Սա էլ է շատ աղաչանք արել, թե գնալ մի, բայց նա գնացել է: Էս առջն էլ Կունտին ասել է. «Ո՛վ տղա, գու որ գնում ես, էն գիրերը սրտիցդ կախ տուր և մին փութ էլ մազտաք սրտիցդ կախ տուր ու զնա, որ մին վերստ մնա թե իմ մոր կուշտը հասնես, իմ մայրս քեզ բաշելու է, որ տանի կուլ տա, տու էլ զնա, որ շատ մոտացած ժամանակդ մայրս քեզ ուղեղու է թե կուլ տա, տու շուտ մազտաքին քցի բերանը, որ նա մազտաքովը ինի, ետով գիրերը առաջին վեր ածի ու ուսի. «Քու տղորցդ անից գիր հմ բիրել»: Էս տղան ասել է, թե. «Լա՛վ»: Ու էն կյրանքը վեր է կալել, զնացել էնտեղ ու էն ամեն բաները կատարել: Էնտեղ առջին մայրը ասել է. «Գնա քառասուն ոչխար, տավար վեր կալ, զնա այսինչ աղբուրին հղբին վեր եկ. մին ձի զալու է էնտեղ ցնդնի, ինքը զնա: Քառասուն գալլ են գալու թե

ուտեն. դու շուտ ըրա էն քուռակը վեր կալ, փախի ու քու ոչխար-
ները և ուրիշ բանները տու գայլերին:

էս տղան գնացել է էն ամեն բանը կատարել, էն քուռակը
վեր կալել, գնացել էն առջերին մորը տունը, առջերին մայրն ասել
է. «Ձին բերի՞ր»: Նա էլ ասել է, թե. «Հրամե՛կ եք»: Առջը ասել է. «է՜ք
ձիանը տար երեք ամիս մութը տեղ, երեք ամիս լույս տեղ պահի,
տրա՛ գարին ու հարդն էլ շատ-շատ տուր»: Սա էլ տարել է էն բա-
ները կատարել ու գնացել ասել, թե. «Արել եմ»: Նա էլ ասել է,
թե. «Վեր ի՛լ գնա էն աղբուրին ցեխովը քշի՛, քշի՛. հտով մին
անգամ էլ պինդ քշի: Թե որ էն ձիին ոտանը ցալքունը քեղանից
հեռու մին մղոնից շատ գնա, էլ քամակիտ եշեսուշ, քշի՛: Բայց թե
որ ցալքունը մին մղոնից քիչ գնա՝ ձին պի՛ր էլի պահի»: Տարել է
էնպես արել, ցալքունը մին մղոնից քիչ է գնացել, հտով պի՛րել է
էլի պահել, գարին ու հարդը շատ-շատ տըվել, հտով տարել քշել:
էլի շատ քշել է, հտով մին անգամ էլ պինդ է քշել, ցալքունը մին
մղոնից շատ է գնացել: Ետով էլ քամակին եշել չի, քշել է ու շատ
գնացել, էն պառավին տունը հասել: Ետով քուռակը հանկարծ
թռել է երկինքը ու էնտեղով վեր եկել էն պառավին տունը: Կուն-
տին առաջվա ձին որ պառավը վեր էր իլել փախել, օդացել է թև
խրխնջա՝ էն պառավը որ քուն է իլել, վերկացնի, բայց էն Կուն-
տին կնիկը էն ձիին աղաչանք է արել, թե. «Իմ մարդս է, խրխնջալ
մի»: Նա էլ խրխնջացել չի: էն տղան եկել է էն աղջկանը տարել
դրել գավակին ու վեր կալել փախել:

Ետով էն պառավը վեր է կացել, տեսել էն աղջիկը էնտեղ չի:
էն ձիին անից հարցրել է, թե. «Ո՞ւր է»: էն ձին էլ ասել է. «Ուրա՛ն
մարդը եկել է վեր առել, գնացել»: էս պառավը էլի ձիին անից
հարցրել է, թե. «Նրանք ո՞ւրտեղ են»: Ասել է. «Սև ճանապարհովը
անց են կացել, հիմիկ էլ են էն լույս ճանապարհում»: էլի հարց-
րել է, թե. «Հա՞ց ուտենք՝ գնանք, թե հաց չուտենք՝ գնանք»: Ձին
ասել է. «Հաց ուտենք, գնանք»:

Ետով էս պառավը քառասուն ոչխար ու քառասուն տավար
կերել է և բավական գինի է խմել, հտով վեր իլել ձին ու մին
գունդ էլ վեր կալել, քցել կուռը ու երկու անգամ ձիին թխել ու էն
րոպեին ձին շուտ հասել է նրանց մոտ: Ետով պառավը որ մին ան-
գամ Կունտին թխել է, Կունտը ուշաթափվել է: էն պառավը աղջը-
կանը վեր է կալել, գնացել:

էս Կունտը մին քիչ էնպես կացել է, հտով երբ որ ուշը գլուխն
է եկել՝ վեր է կացել ձին վեր իլել, գնացել էն առջերին մորը տու-

նրոյ էնտեղ էն առջը ասել է. «Բերիրո՞ւ չա՞նք նա էլ ասել է, թե. «Չէ՛», Կունտը մինեւ է վեր կացել թե գնա, էն առջը ասել է. «Ա՛տղա, եկ, ես բեղ շատ դանձ կըտամ, դնալ մի, դլուխդ փորցանք կըկլնա՞նք» նա էլ ասել է. «Չէ՛», դնալու եմա՞ն Ետով գնացել է էն աղ-րուրին եղրովը ձին քշել, դնացել էն պառավին տունը, էլի ուրան կնիկը վեր կալել, փախել Պառավը վեր է կացել առաջվան նման էն ձիին հարցութորձ արել, գունդը քցել կուռը, երկու անգամ թխել ձիին ու էն րուպին ձին նրանց ետիցը հասել է. Պառավը դունդով որ մին անգամ Կունտին թխել է, Կունտը ճոթուպատառ է տառել, Ետով կնկանը վեր է կալել թե դնա, էն կնիկը ասել է, թե. «Սիրտս էրում է՝ իմ մարդս է, թող ճոթերը հավաքեմ, տը-նեմ ուրան ձիին վերա՞նք Ետով էն պառավը հրամայել է, էն աղ-ջիկն էլ հավաքել է, դրել ձիին վերա, ու ուրանք գնացել են»

Կունտին ձին էլ ուղիդ գնացել է մեծ քվորը տունը, Կունտին քրվորը մարդ տոջը նրա ճոթերը տրել է ուրոյր վերա ու մին տեղ էլ լսել՝ էն րուպին էլ առուլչացել է Ետով վեր է կացել թե գնա. էն առջն ասել է. «Ա՛տղա, գնալ մի՛», գլուխդ փորցանք կըկլնա՞նք Կունտն էլի վնացել է, էն աղբուրին եղրովը շատ-քիչ դնացել. հասել է էն պառավին տունը, էն աղջկանը վեր կալել, փախել Պա-ռավը վեր է կացել, առաջվաներին նման արել ու ձիին երկու անգամ դունդովը թխել, ձին դնացել է, մին վերստ է մնացել, թե նրանց ետիցը հասնի, էն Կունտը ձիին սովորեցրել է, թե՛ որ էն ձին պա, դու նրան ասի. «Թե ինչի՞» ես երկու ջահելներին հմար դու էդ պառա-վին մեծացնում. վեր իլ երկինքը ու տրան վեր քցի՞նք էն պառավին ձին որ լսել է, հանկարծ կաղնել է, էն պառավը երկու անգամ դունդովը ձիին թխել է, որ դնա՞նք նա չի դնացել, Մին անգամ էլ որ թխել է, էս ձին որ վեր է իւել երկինքը ու էն պառավին վեր քցել՝ ճոթուպատառ է տառել, Ետով Կունտն ու ուրան կնիկը մինեւ ետ են տառել, դնացել էն պառավին տունը, էնտեղ կացել

Աստվածանից իրեր...

